



Broj: OI-K-BL-88/25
Banja Luka, 09.10.2025. godine

Parlament Federacije Bosne i Hercegovine
Zastupnički dom
Hadmije Kreševljakovića 3
71 000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 21-10-2025			
Org. jed.	Broj	Priloga	Vrijednost
05/1	- 02 -	506	25

PREDMET: Odgovor na zastupničko pitanje, dostavlja se

Poštovani,

Institucija ombudsmena za ljudska prava Bosne i Hercegovine (u daljem tekstu: Institucija Ombudsmena) dana 06.10.2025. godine zaprimila je akt Zastupničkog doma Parlamenta Federacije BiH, broj 05/1-02-506/25 od 29.09.2025. godine, u kojem se traži odgovor na zastupničko pitanje Zastupnik Marijan Marjanović.

Jesu li OSCE, OHR, Institucija ombudsmena za ljudska prava i Ministarstvo unutarnjih poslova Federacije Bosne i Hercegovine upoznati s činjenicom da se protiv policijskog službenika Vladimira Ribića iz Novog Travnika vodi interni postupak na osnovu e-maila pod nazivom „Aktivni pripadnici MUP-a, SBK i FUP-a pozirali sa zastavom na kojoj je pisalo MUP Hrvatske republike Herceg Bosne" Postupak je pokrenut od strane Jedinice za profesionalne standarde Federalne uprave policije. Uz ovaj, službeni postupak, već neko vrijeme traje i snažan medijski pritisak na sve one koji se usude isticati obilježja hrvatskoga naroda u vlastitoj domovini - Bosni i Hercegovini.

Ako ste upoznati s navedenim, molim da precizirate u kojem obimu i na koji način pratite ovaj predmet.

Stoga zahtijevam pojašnjenje:

- Na temelju kojih pravnih i ustavnih normi se vodi postupak protiv Vladimira Ribića?
- Prate li navedene institucije ovaj slučaj i planiraju li reagirati na očitu povredu ustavne ravnopravnosti naroda i osnovnih ljudskih prava?
- Kako se opravdava praksa da su obilježja jednoga naroda u FBiH slobodno prihvaćena i promovirana, dok su obilježja drugoga proglašena razlogom za disciplinske postupke i medijske progone?

Imajući u vidu navedeno dostavljamo sljedeći odgovor.

Institucija Ombudsmena je nezavisna institucija ustanovljena odredbama Aneksa 6. Okvirnog sporazuma za mir u Bosni i Hercegovini - Sporazum o ljudskim pravima, kao garant ostvarivanja vladavine prava i zaštite ljudskih prava i osnovnih sloboda u Bosni i Hercegovini. Osnov za rad i funkcionisanje Institucije jeste Zakon o ombudsmanu za ljudska prava Bosne i Hercegovine.

Kad se radi o upitu na temelju kojih ustavnih i pravnih normi se vodi postupak protiv Vladimira Ribića, Ombudsmani BiH ne mogu dati konkretan odgovor jer se radi o internom postupku koji provodi Ministarstvo unutrašnjih poslova Federacije BiH.

Institucija ombudsmana nije upoznata sa činjenicom da se protiv policijskog službenika Vladimira Ribića iz Novog Travnika vodi interni postupak pokrenut od strane Jedinice za profesionalne standarde Federalne uprave policije i da traje snažan medijski pritisak na sve one koji se usude isticati obilježja hrvatskog naroda u vlastitoj domovini- Bosni i Hercegovini i nema registrovan predmet žalitelja u Instituciji ombudsmana.

Vezano za upit: Prate li navedene institucije ovaj slučaj i planiraju li reagirati na očitu povredu ustavne ravnopravnosti naroda i osnovnih ljudskih prava dajemo sljedeći odgovor:

Institucija ombudsmana u svom radu djeluje po prijemu žalbe ili ex officio, a Ombudsmani cijene okolnosti svakog slučaja i svoje odluke donose nakon provedenog postupka utvrđivanja svih činjenica i okolnosti vezanih za konkretno pitanje povrede ljudskih prava, sukladno sa pozitivnim zakonskim propisima¹. Ukoliko utvrde eventualna kršenja ljudskih prava Ombudsmani postupaju sukladno sa svojim nadležnostima u cilju njihovog otklanjanja.

Institucija ombudsmana u skladu sa svojim mandatom poduzima mjere s ciljem unapređenja ostvarivanja prava građana, slobode i napretka na svim područjima, kao i izgradnje društva zasnovanog na principima poštivanja ustavne ravnopravnosti naroda.

Imajući to u vidu, Ombudsmani u svom radu između ostalog stalno ukazuju na obavezu suzbijanja diskriminacije i diskriminirajućeg postupanja po bilo kojem osnovu ukoliko je ista prisutna.

Na kraju podsjećamo da su Ombudsmani objavili 2018. godine i Specijalno izvješće o izgledu, upotrebi i zaštiti državnih, odnosno službenih obilježja u Bosni i Hercegovini.


Za sva eventualna dodatna pitanja i informacije stojimo Vam na raspolaganju.

S poštovanjem.

Ombudsmani Bosne i Hercegovine




Nives Jukić


dr. Nevenko Vranješ


dr. Jasminka Džumhur

Dostavljeno:

1x Naslovu

1x a/a

¹ Zakon o Ombudsmenu za ljudska prava Bosne i Hercegovine (Službeni glasnik BiH, broj: 19/02, 35/04, 32/06 i 50/08)